



DEO OPTIMO MAXIMO
UNI ET TRINO,

VIRGINI DEI-PARÆ, ET S: LUCE,
Orthodoxorum Medicorum Patrono.

QUÆSTIO MEDICA,*

CARDINALITIIS DISPUTATIONIBUS
*manè discutienda in Scholis Medicorum, die Veneris decimâ-Secundâ
mensis Junii, anno Domini M, DCC. LXXVIII.*

P R Æ S I D E

M. CAROLO-JACOBO-LUDOVICO COQUERFAU,
Doctore Medico, Scholarum Professore, & Regiâ Societate Medicâ
Parisiensi pro Epidemiis institutâ, necnon Serenissimi Condai
Principis Medico ordinario.

An aer corruptus expurgari possit?

I.



ER, sive ut liquidum variis substantiis continendis & quasi solvendis habile, sive ut corpus elasticum, fluidum & grave spectari debet. Hinc peccare potest, vel quatenus partes continet alienas, vel quatenus proprietatibus suis essentialibus defraudatur. Verum aeris renovati beneficio & æquilibrio atmospheræ restituto, aer in proprietatibus necessariis peccans citò, nec aliter, corrigitur. At non

* *Auctore M. C. J. L. COQUEREAU, anno 1769.*

D.

ita faciliè deprehendi potest vis nociva Miasmatum per aera vectorum ; non ita faciliè licet emendare pravas illas aeris qualitates, cum fallant Barometrum sensibus plerumque non obviæ. Vel enim paulatim gliscit, latenter serpit venenum, & insidias struit eò periculosiores, quòd non nisi vitiatâ jam atmosphera diris se prolat symptomatibus ; vel per furentes ventos advectum subito impete afflatu lethali opprimit incautos & nil tale metuentes. *Asmos* illud, ferale monstrum, varia putridarum atomorum genera comprehendit, quarum ut uniformis natura, ita diversum effectuum genus. Hinc plurimi oriuntur morbi contagiosi ; Acuti, cum, collectis in unum viribus, furit pestilens anhelitus ; Chronici, cum durat diù, non tam citò lethalis, fo. san sæpè crudelior, cœli constitutio depravata ; sic cumulatâ miasmatum mole, venit ille in Persiâ & Arabiâ infamis (a) homines perimit, qui nisi procumbentes humi, impetum illius devitent. Sic variæ pestes ab Æthiopiâ, aut regione *Cathay* oriundæ, ut illa quæ sæculo decimoquarto erupit & Africam, Asiam, Europam devastavit ; sic etiam nuperimæ illæ Massiliensis, Mellinensis, ab aere vitiatò in longinquis oris Arabiæ sumperant exordium. Quin etiam sui nument armenia pestilentialis morbi. Lanigeræ oves vitam reddiderunt ad plena præsepia ; pingues inter herbas vituli cecidere moribundi. Sæpè viginti aves medio ex aere projiciuntur in terram (b). Sic & nocent pestiferi frugibus venti. Numquid videmus ipsis plantis, quarum corpus validius est nostris corporibus, auræ nescio cujus afflatu syderationem & ustionem afferri c., corporibus humanis indè communicandam. Verùm, mutatâ scenâ, plures morbi nascuntur Chronici ab aere endemici : sic oculis capiuntur Ægyptii ferè omnes, notante Prospero Alpino, si Nilus ad assuetam altitudinem non exundaverit : sic Hydrope Tropicos inter, si pluvie nimie fuerint, laboratur, teste Bontio Ab aere humido Batavi, Dani scorbutum experiuntur. Lentis insulibus sua Pæctones peredit, sua Santones pestis lenta depascitur, Anglis etiam consumptio ab aere pendere visa est (d). Indis morbo suo *perical* dicto volumen in immensum intumescunt crura (e). Suum Arabes circa mare Rubrum languidos, pallidos inficit contagium. Hinc etiam infames sunt vario genere morborum insulæ Americanæ. Infames sunt Æthiopum feracissimi campi, quos monstrorum genera sexcenta dehonestant, quos per dimidium anni partem miserè devastant epidemici morbi. Nec minus discrepant inter se insulæ, loca continentia, tùm sylvarum, paludum, tùm minerarum viciniâ. Quibus atmospheræ vitii ut obviam irent, omni ope atque operâ enixi sunt quamplurimi. Chemicâ fretus arte Drebellius variis operationibus liquorem invenisse dicitur, cujus exhalatione aer corruptus, malignis fœtus

(a) Gaucheron,
traité des pestes
de l'Orient.

(b) Mead opera
omnia Paris
1750. Præfat

(c) Hales ita-
tique des végé-
tétaux chap. 1.

(d) Garancie-
re, de tabe An-
glica.

(e) Bernard
Valentini, Chi-
rurg. Medic.
sect. 4.

vaporibus possit expurgari (f). Licet verò illius asserti veritas in dubium revocetur à multis, nihilominus manet inconcussum quòd halituum proventu scedatus aer possit emendari, si semel genus, ortum, naturam vaporum inquinantium noveris. (f) Derham, Theol. Phys.

I I.

NO N mirum videtur undè diversis in regionibus, tempore diverso, tam pravam indolem atmosfera possit suscipere, cum aeris massam quamlibet innumeris conspurcari vaporibus, innumeris diversæ prosapiæ corpusculis scaterere simplicior doceat physice. Ignis enim & putrefactionis insultibus nihil impervium; utriusque viribus omnia adulterantur, eliduntur, volatilitatem acquirunt, habilia per auras rapi. Superficies enim quælibet aquæ, auræ patenti exposita inter decem & trium dierum spatium pollicis unius quantitate minor est (g). Superficies quælibet terræ eamdem patitur jacturam, verum intrâ quadraginta dierum limites. Quantum è vivis animalibus avolet quotidianâ perspiratione Sanctorianæ demonstrant computationes. Quid hic enarremus effluvia maligna quæ vegetabilium ut & animalium corruptela valet inducere (h). Immanis animalis, Ceti v. g. cadaver motu fermentativo, dein putredinoso correptum, intrâ paucos dies, totum in auras abit, & aerem putridi's miasmatibus longè latequè ita inficit, ut, multis ab hinc passuum millibus, stationem malefidam subodorentur viatores. Quoties post conflictus bellicos oriuntur morbi maligni sævidimi: sic, à peremptis corruptisque Locustarum quæ devastant Æthiopiam cadaveribus, novam excitandæ pestilentie ansam præberi autor est Ludolf (i). Quot & quantis pestilentialibus morbis vexentur canosarum regionum incolæ deducere est è cladibus plurimarum illustrium urbium Italiæ quæ à solis paludum effluviis fuerunt devastatæ. Nec minora imminet à mineralibus malâ. E quibusdam enim Hungariæ fodinis halitus sese effundunt terribissimi ita ut super has nullæ volucres pennis iter tendant impunè (k). Sic, post Vesuvii montis incendia, plurimis in locis observatur atmosfera venenata ad quamdam altitudinem incumbere. Quid loquamur de infamis in Italiâ Specus dicti *Grotta del Cane* (l), Putei *Perauls*, propè Monspelium teterimâ mephiti animalia suffocante (m). Quænam ex istis omnibus exhalationibus venenatis strages non metuenda, si junctis viribus accedant insuper calor & humiditas? Nullum enim dubium moveri potest quin vitata diathesis atmospheræ vires atomis venenosis summas in inspiret. Enimverò mechanicè ut plurimum agit pessima illa aeris conditio in quâ at-

(g) Arbutnot, effects de l'air.

(h) Expériences de Chymie de Meyer par Dieux, Paris 1766.

(i) Hist. Æthiop. l. 1. cap. 13.

(k) Montalbano, Rel. de la Hongrie.

(l) Mead, de venenatis halitibus.

(m) Connor de antris lethiferis.

mosphera æstuans calore summo humiditatem simul concipit. Et certè, ardente Syrio, halitus venenati per auras diffunduntur promptius, latiusque disseminantur quàm in frigidioris aeris statu, ut deducere est ex aromatum effluviis. Insuper in aere scædato simul & humido contagiosæ moleculæ cum subtilioribus laticis aquei particulis occurrunt, novum cum ipsis incundo consortium, ponderosiores simul evadunt & naturæ tenacioris. In hæc aeris conditione, concipiendæ erumpentium effluviolorum malignitati habiliora fiunt hominum corpora, ob aerem humidum simul & calidum, qui ratione aquæ quam continet, laxat & solvit, calore interim inhalantium vasorum referat oscula, humores evehit ad acrimonie gradum corrosivis miasmatis affinem. Hinc auster, calore humido plumbeus, aded apud Hippocratem in fuscitandis epidemicis morbis potens, quod corpuscula putrida corporibus ad putredinem dispositis applicet. Hinc tanto favore apud Ægyptios & Græcos excipiebantur flatus Etesii, quorum adventus in naturæ regulâ, morbos fugabat æstivos, quibus si poneretur obex, aut si à naturâ non suppeditarentur, pestem & morbos pestilenciales tremebundi expectabant harum regionum incolæ. Hinc Romæ aded metuendus Syrius cogit opulentiores ut deserant urbem, & aramæ ora viridaria aquis irrigata salubribus petant.

In hæc infelicissimâ rerum conditione, lethiferis in his atmosphæræ constitutionibus tutius esset sanè loca inimicis effluviis scæta deserere, terras petere benigniori solis aspectu recreatas. Fuga verò non semper possibilis; plurimos originis solo affixos detinet Patriæ, licet fallacis, amor insuperabilis. Non igitur satis se profecisse Medicus arbitretur, si morbos in læsolescentis curet, illius est officii ut maximam adhibeat diligentiam, quâ recrudescentibus semper à malis incolæ ferventur immunes, & à patriis sinibus labes avertatur atque repellatur.

III.

PORRO, ut attingatur scopus ille, sedulò perpendendum est quòd omnia illa effluvia ad duplicem classẽ revocari debeant. Prima complectitur ea quæ sub vaporum nomine aquæ naturam retinent & indolem. Altera comprehendit partes minerales, sulphureas, putridas; & illæ exhalationes audiunt. Cum aqueis vaporibus nimis turget aer, silvis incensis, aut avulsis, referato per montium fauces aditu, advocandi sunt venti, præsertim boreales, qui superfluum humorem nocivum avidè combibant, ut ità dicam. Sic pestilentie quondam Corcyræ grassanti Varro dicitur occurrisse, oclusis fenestris

austrum spectantibus, aliis ad arctum apertis (*n*). Hinc Arabes, dum adversus insultus pestis sese muniunt, in id intendunt, ut quanta fieri possit aeris introducatur copia; seligunt domos quas undequaque ventus perflare possit. Montanis enim populis, vel saltè ad boream conversis, paludes & stagna minùs nocent, etià per æstivos calores, quia vapores ex ipsis emissi minùs maligni sunt & faciliùs ventorum vi disperguntur, annotante Lancisio (*o*). Ignem accendendi sunt quibus atmosphæræ qualitates possint corrigi, quibus expansus aer & in motum raptus turbinosum ventos accerlat. Sic ligna super foco largè reponens, ab omni pravo vapore sese vindicat cænosa nimis Batavia. Si verò vicinis à paludibus jugiter exhalantibus humidam indolem mutuetur aer, exsiccantur citò paludes, sterilesque diù grave tandem sentiant aratrum. Sic Pisaurum resiccatis paludibus sa'ubrius redditum fuisse, sic oppidum Gandulphianum ab aeris humidi infamià non aliter à Paulo V vindicari potuisse, quàm arefacto Turni lacu subiecto legere est apud Lancisium (*p*). Quod si putredo suas horrendas agat tragædias, ignibus addantur aromata, Medicinæ Principis exemplo, qui, si fides sit Galeno, pestem ex Æthiopiâ ortam Græcas urbes devastantem, feliciter debellavit profigavitque, dum accensis ignibus aerem repurgaret, odoratas herbas, Aromata super injiciens (*q*). Balsamorum, Aromaticum vim prophylacticam demonstrat (*q*). Insuper civium insulæ Ternatæ Batavorum fors miseranda. Diris enim conflictati fuerunt morbis, ex quo diruere caryophylla quorum benignus vapor vicinorum locorum terribilissimam mephitim emendabat (*r*). Nec satis. Sulphur *θερον* dictum, nitrum comburatur. Ab acido nitrosum enim exundantes Nili vaporibus, pesti quæ quotannis Cærum deprædatur injici frena Boyleus (*s*) est auctor. Quæ quidem assertio ad veritatis gradum evehi videtur, ex eo quod omnis supellex pesti fera & contagio infecta tunc temporis effectus contagii non amplius edat (*t*). Et illud certè non contingeret, nisi indolis alkalinae miasmata putrida, vinctis, ut ità dicam, injectis, compescerent acidonitrosæ moleculæ. Quan um ad absumendos vapores sulphureos conferre possint explosiones docet vis illa magna & inevitabilis harumce tempestatum quæ crebris ignibus & tonitru stipatæ incedentes, subito discrimine gravem æstu & suffocantem aerem ità fallaci refrigerant lenimine, ut auræ nimis frigida morbi plerumque succedere & videantur. Norunt id optimè Folinarii, hinc loca subterranea non descendunt, quin priùs sulphureas exhalationes, *mousetta* dictas, ignis ope consumpserint: insuper in eo maxime conferunt explosiones quod motum inordinatum impingant atmosphæræ & experientiâ

(*n*) Huxham; observation. de acie & morbis epidemicis. Præfat.

(*o*) De noxiis paludum effluviis, tom. 2.

(*p*) Loco supra citato.

(*q*) De theriacâ ad Pisonem, cap. 16,

(*r*) Encyclopédie, tome 1. art. de l'air.

(*s*) Traité de la nature des exhalaisons, chap. 4.

(*t*) Prosp. Alp. de Medic. Ægyptiorum, lib. 1.

(u) Dissertations sur l'origine des maladies épidémiques & de la peste, Monip. 1721.

(x) Tract. de peste, in-fol. 1702.

compertum manet ab his anomalis mutationibus funditus everti morbos pestilentiales, qui vicissitudines tempestatum ritè procedentes fellerant (u). Nec ea industria latuerat antiquos Medicinæ Magistros qui de repurgando conscripserunt aere Avicennam, Gordonium, Raymundum de Vinario. Ad profligandam enim pestem omnia aromatum suffumigia celebravere, inter quæ præcipuus est ligni Juniperini suffitus; de cujus effectibus in peste prohibendâ videatur ante alios Diemerbroekius. Varia autem hujusmodi auxilia ingenti sedulitate collegit Eminentissimus Cardinalis Gastaldi (x).

I V.

(y) De sistendo pestis semel admixtæ contagio.

(z) Vid. F. Bacon, hist. Henr. VII.

MINOREM sanè difficultatem facessunt, ut pravam depellant indolem, halitus venenati, cum non pendent à solo, ab epidemicâ verò constitutione ducunt originem, & minus latè tyrannidem exercent. Faciliùs tunc arte dispeiguntur, aut alienæ prorsus indolis molecularum consortio absumuntur promptius. Enimverò non hic loci fas est omittere plurima ab arte Chemicâ suppeditari quæ in casibus suprâ memoratis felicem non sortiuntur exitum, quin iam locum obtinere minimè possunt. Illorum enim actio mechanica certis & determinatis circumscripta limitibus, debilior est quam ut immentam atmosphæræ vitiatæ mo'em immutare queat. Talis est aceti, alkali volatilis vaporatio; talis benzoini, thuris, storacis, & aliorum accensorum vis odora. Egregiam verò præstant opem in repurgandis nosocomiis, carceribus, aliisque id genus locis, in quibus collecta numerosa hominum nimis coacervatorum, inopiâ sordidorum congeries, aerem, licet renovetur, malignis temper inficit afflatibus. Hinc ibi plerumque deservit terribila morborum pestilentialium cohors, imprimis hoc febris genus quod carceris febrem vocant. Nihil enim annotante Mead (y) propius ad pestis incunabula refertur, quam aer intus coercitus, scetus vaporibus, & sordidâ spurcitie quam animalium exhalant corpora vitiat. Id ergò præcaveri debet imprimis, ne plures simul in ea ceribus includantur. Quot & quanta pen-deant inde mala sequentibus docemur observationibus. (z) Harvey, collectis sub jove frigido plurimis ovibus, animadvertit quod, malis semper illarum rebus, unaquâque die minus concederetur spatii, ita ut, contractis quantum fieri poterat quibus cingebantur oves limitibus, omnes perierint, halituum activitatis spherâ nimis arctiore redditâ. Halesianis insuper computationibus evincitur quod si homines ad numerum trium millium collecti jugerum occupent per 31 dierum

spatium aerem ambientem sanctorianæ perspirationis exhalationibus impleant ad altitudinem 71 pedum. Carceribus igitur sedulò conciliandus aer, qui quasi hærentem putrilaginem avertat. Anglis familiare est ventum artificialem coachare. At illo non radicitus evellitur malorum causa. Recurrendum semper ad vaporationem aceti, alkali volatilis, suffumigia quæ labem in ipso fonte aggrediantur. Accendendi sunt ignes, noctu præsertim. Nam ea est atmospheræ natura, ut quæ die avolant noctu condensentur. Hinc odor noctu magis concentratur; hinc loca plantis venenatis confita, sole recedente, plus olent; hinc noctes frigidæ climatum calidiorum plurimos procreant morbos, *Berberi* genus quoddam paralyseos, catalepsiam, convulsiones tetanodes Indis familiares, apud nos vix cognitas.

V.

CONTRARIA contrariis curantur. Ex hoc celeberrimorum omnium avi Medicorum oraculo non temerè, non properanter edito, ab experientiâ verò Medicis in rebus magistram comprobato, satis evincitur propositio nostra. Ad expurgandum enim aerem quænam alia suavisima media nisi ut novis & contrariis prorsus moleculis miasmata maligna felici connubio sese maritantes, venenatam deponant indolem, benigniorem accipiant; nisi ut advocato auræ salubrioris auxilio exhalationes in majus spatium dispersæ minùs noceant, & aer à stagnatione semper maximè nocivâ possit vindicari. Non eò tamen devenimus ut nostram thesim extrâ jactum omnem telorum critices positam esse credamus. Nulla veritas, firmissimis licet rationibus fundamentis innixa, controvertiam valet effugere.

Stagnare non posse aerem adeoque corrupti negant, qui obijciunt continuo motu rari semper atmospheram, & ut tenuiorem velocitate majori. Conclusionem nostram convellere minimè potest illud argumentum. Enimverò in valibus quos undiquè cingunt montes, & proinde adversus omnem ventorum injuriam muniunt, aer certè stagnat. Præterea, gravitatis motu partes opprimuntur ad solum: undè quamvis vapores æquiponderantes aeri dispergi non negemus, certum tamen datur spatium in quo stant, quos vel leviores facimus, ideòque faciliùs disperguntur. vel graviores, additâ basi, & tunc terram petunt; sic aquæ moleculæ dum aere leviores sunt per auras æthereas diffunduntur sublimis, cum verò ruunt in amplexus, jam ponderosiores sub gutta um formâ decidunt copiosius, & imbres efformant. Hinc sæpè visa nubes in unum locum desævians, sternere sata læta, precipitesque trahere sylvas.

Instabunt : aerem absque renovatione corrigi non posse, quin excessus contrarius inducatur, & atmosphaera particulis oppleatur advenis quæ novum ei pondus conciliare possunt, & illud, inquit, experientur quotidie qui parumper chemicis in rebus versantur. Acidum enim marinum & alkali volatile, quorum halitus, si seorsum considerentur liquores, oculorum aciem fallunt vel perspicacissimam, admotis propius phialis referatis, dum societatem ineunt, jam crassiores sub nubecularum specie prodeunt. Illud quidem verum est; concedimus ultrò, & indè novum robur accipit assertio nostra. Cum enim nubecularum formam induunt halitus illi, vel facilius disperguntur ventis ludibria, vel promptius opprimuntur ad terram vi totius atmosphaeræ prementis.

Cum igitur rationi consentanea, chemicis observationibus consona, experimentis suffulta nullis objectionibus convelli possit nostra de aeris expurgatione sententia, liceat nobis confidenter asserere.

Ergò aer corruptus expurgari potest.

DOMINI DOCTORES DISCIPLINÆ MAGISTRI.

M. Guillelmus - Josephus DE L'ETINE, Antiquior Scholarum Magister, Antiquus Facultatis Decanus, Academiæ Censor.	M. Cæsar COSTE, Censor Regius.	M. Guido DANÉ DESPATURAUX.
--	--------------------------------	----------------------------

DOMINI DOCTORES DISPUTATURI.

M. Cosma - Augustinus LÉZORIER.	M. Achilles - Guillelmus LE BOC DE PRESLE, Eques & Censor Regius.	M. Maximilianus - Josephus LEYS.
M. Nicolaus JEANROY, Bibliothecæ Facultatis Praefectus, Regii Medicorum Collegii Nanctianorum Socius honorarius.	M. Martinus - Jacobus - Clarus ROBERT, S. Duci B'pontini, dum viveret, Achiater, necnon à Consiliis & Secretis.	M. Joannes DESCHEMET, Censor Regius.

Proponebat Parisiis NICOLAUS CHAMBON, Doctor Medicus Bifuntinus, necnon Suberrimæ Facultatis Medicinæ Parisiensis Baccallæus, A. R. S. H. 1778.

AB OCTAVA AD MERIDIEM.